

經

大日本
校訂

大藏經

方等部

黃六

{ 次 目 六 黃 }

○楞伽阿跋多羅寶經

○入楞伽經

○大乘入楞伽經

十四卷
七卷

五

此序依明載

楞伽阿跋多羅寶經序

朝議大夫直龍圖閣權江淮荆湘等路制置鹽鐵兼發運副使上護軍賜紫金魚袋蔣之奇撰

之奇嘗苦楞伽經難讀又難得善本會南都太子太保致政張公施此經而眉山蘇子瞻爲書而刻之板以爲金山常住金山長老佛印大師了元持以見寄之奇爲之言曰佛之所說經總十二部而其多至於五千卷方其正法流行之時人有聞半偈得一句而悟入者蓋不可爲量數至於像法末法之後去聖既遠人始溺於文字有入海算沙之困而於一真之體乃漫不省解於是有祖師出焉直指人心以性成佛以爲教外別傳於動容發語之頃而上根利器之人已目擊而得之矣故雲門至於罵佛而藥山至戒人不得讀經皆此意也由是去佛而謂之禪離義而謂之玄故學佛者必詆禪而諱義者亦必宗玄二家之徒更相非而不知其相爲用也且禪者六度之一也顧豈異於佛哉之奇以爲禪出於佛而玄出於義不以佛廢禪不以玄廢義則其近之矣再求問聞斯行諸孔子曰聞斯行之子路問聞斯行諸曰有父兄在如之何其聞斯行之求也退故進之由也兼人故退之說豈有常哉救其偏而已學佛之敝至於溺經文惑句義而人不體玄則言禪以救之學禪之敝至於馳空言玩琦辯而人不了義則言佛以救之二者更相救而佛法完矣昔達磨西來既已傳心印於二祖且云吾有楞伽經四卷亦用付汝即是如來心地要門令諸衆生開示悟入此亦佛與禪並傳而玄與義俱付也至五祖始易以金剛經傳授故六祖聞客讀金剛經而問其所從來客云我從蘄州黃梅縣東五祖山來五祖大師常勸僧俗但持金剛經即自見性成佛矣則是持金剛經者始於五祖故金剛以是盛行於世而楞伽遂無傳焉今之傳者寔自張公倡之之奇過南都謁張公親聞公說楞伽因緣始張公自三司使翰林學士出守滁一日入琅琊僧舍見一經函發而視之乃楞伽經也恍然覺其前生之所書筆畫宛然其殆神先受之甚明也之奇問羊叔子五歲時令乳母取所弄金銀乳母謂之汝初無是物祐即自詣鄰人李氏東垣桑木中探得之主人驚曰此吾亡兒所失物也云何持去乳母具言之知祐之前身爲李氏子也白樂天始生七月姆指之無兩字雖試百數不差九歲詣識聲律史氏以爲篤於才章蓋天稟然而樂天固自以爲宿習之緣矣人之以是一真不滅之性而死生去來於天地之間其爲世數雖折天下之草木以爲籌箸不能算之矣然以淪於死生神識疲耗不能復記惟圓

明不昧之人知焉。有如張公以高文大冊再中制。舉登侍從。秉鈞軸出入朝廷。逾四十年。風烈事業播人耳目。則其前身嘗爲大善知識。無足疑者。其能記憶前世之事。豈不謂信然哉。故因讀楞伽新經。而記其因緣於經之端云。

楞伽阿跋多羅寶經序

此序依明載

朝奉郎新差知登州軍州兼管內勸農事驤都尉借緋蘇軾書

楞伽阿跋多羅寶經。先佛所說。微妙第一。眞實了義。故謂之佛語心品。祖師達磨。以付二祖曰。吾觀震旦。所有經教。惟楞伽四卷。可以印心。祖祖相授。以爲心法。如醫之難經。句句皆理。字字皆法。後世達者。神而明之。如盤走珠。如珠走盤。無不可者。若出新意。而棄舊學。以爲無用。非愚無知。則狂而已。近歲學者。各宗其師。務從簡便。得一句一偈。自謂了證。至使婦人孺子。抵掌嬉笑。爭談禪悅。高者爲名。下者爲利。餘波末流。無所不至。而佛法微矣。譬如偃俗醫師。不由經論。直授方藥。以之療病。非不或中。至於遇病。輒應懸斷。死生。則與知經學古者。不可同日語矣。世人徒見其有一至之功。或捷於古人。因謂難經不學而可。豈不誤哉。楞伽義趣幽眇。文字簡古。讀者或不能句。而況遺文以得義。忘義以了心者乎。此其所以寂寥於世。幾廢而僅存也。太子太保樂全先生張公安道。以廣大心。得清淨覺。慶曆中。嘗爲滁州。至一僧舍。偶見此經入手。恍然如獲舊物。開卷未終。夙障冰解。細視筆畫。手迹宛然。悲喜太息。從是悟入。常以經首四偈。發明心要。軾遊於公之門三十年矣。今年二月。過南都。見公於私第。公時年七十九。幻滅都盡。惠光渾圓。而軾亦老於憂患。百念灰冷。公以爲可教者。乃授此經。且以錢三十萬。使印施於江淮間。而金山長老佛印大師了元曰。印施有盡。若書而刻之。則無盡。軾乃爲書之。而元使其侍者。携走錢塘。求善工刻之。板遂以爲金山常住。

元豐八年九月九日

楞伽阿跋多羅寶經卷第一

【麗此宋身元身明惟】

宋天竺三藏求那跋陀羅譯

譯號宋天竺三
作劉宋中天竺
五字○羅下同
有第二二字每
卷皆同○品目
明無第一二字

坐元明俱作座
曰明作佛

炎同作焰下同

欲三本俱作次
唯元作惟下同
以元明俱作與

一切佛語心品第一之一

如是我聞。一時佛住南海濱楞伽山頂。種種寶華以爲莊嚴。與大比丘僧及大菩薩衆俱。從彼種種異佛剎來。是諸菩薩摩訶薩。無量三昧自在之力。神通遊戲。大慧菩薩摩訶薩而爲上首。一切諸佛手灌其頂。自心現境界善解其義。種種衆生。種種心色。無量度門。隨類普現。於五法自性論。種種無我。究竟通達。爾時大慧菩薩與摩帝菩薩俱。遊一切諸佛剎土。承佛神力。從坐而起。徧袒右肩。右膝著地。合掌恭敬。以偈讚曰。

世間離生滅。猶如虛空華。智不得有無。而興大悲心。一切法如幻。遠離於心識。智不得有無。

而興大悲心。遠離於斷常。世間恒如夢。智不得有無。而興大悲心。智人法無我。煩惱及垢炎。

常清淨無相。而興大悲心。一切無涅槃。無有涅槃佛。無有佛涅槃。遠離覺所覺。若有若無有。

是二悉俱離。牟尼寂靜觀。是則遠離生。是名爲不取。今世後世淨。

爾時大慧菩薩。偈讚佛已。自說姓名。

我名爲大慧。通達於大乘。今以百八義。仰諮尊中上。世間解之士。聞彼所說偈。觀察一切衆。

告諸佛子言。汝等諸佛子。今皆悉所問。我當爲汝說。自覺之境界。

爾時大慧菩薩摩訶薩。承佛所聽。頂禮佛足。合掌恭敬。以偈問曰。

云何淨其念。云何念增長。云何見癡滅。云何惑增長。何故剎土化。相及諸外道。云何無受欲。

何故名無受。何故名佛子。解脫至何所。誰縛誰解脫。何等禪境界。云何有三乘。唯願爲解說。

緣起何所生。云何作所作。云何俱異說。云何爲增長。云何無色定。及以滅正受。云何爲想滅。

何因從定覺。云何所作生。進去及持身。云何現分別。云何生諸地。破三有者誰。何處身云何。

往生何所至。云何最勝子。何因得神通。及自在三昧。云何三昧心。最勝爲我說。云何名爲藏。

姓三本俱作性

頌元明俱作句

師三本俱作節

遵同作蔗

云何意及識	云何生與滅	云何見已還	云何爲種姓	非種及心量	云何建立相	及與非我義
云何無衆生	云何世俗說	云何爲斷見	及常見不生	云何佛外道	其相不相違	云何當來世
種種諸異部	云何空何因	云何剎那壞	云何胎藏生	云何世不動	何因如幻夢	及捷闍婆城
世間熱時炎	及與水月光	何因說覺支	及與菩提分	云何國土亂	云何作有見	云何不生滅
世如虛空華	云何覺世間	云何說離字	離妄想者誰	云何虛空譬	如實有幾種	幾波羅蜜心
何四度諸地	誰至無所受	何等二無我	云何爾炎淨	諸智有幾種	幾戒衆生性	誰生諸實性
摩尼眞珠等	誰生諸語言	衆生種種性	明處及伎術	誰之所顯示	伽陀有幾種	長頌及短頌
成爲有幾種	云何名爲論	云何生飲食	及生諸愛欲	云何名爲王	轉輪及小王	云何守護國
諸天有幾種	云何名爲地	星宿及日月	解脫修行者	是各有幾種	弟子有幾種	云何阿闍梨
佛復有幾種	復有幾種生	魔及諸異學	彼各有幾種	自性及與心	彼復各幾種	云何施設量
唯願最勝說	云何空風雲	云何念聰明	云何爲林樹	云何爲蔓草	云何象馬鹿	云何而捕取
云何爲卑陋	何因而卑陋	云何六師攝	云何一闍提	男女及不男	斯皆云何生	云何修行退
云何修行生	禪師以何法	建立何等入	衆生生諸趣	何相何像類	云何爲財富	何因致財富
云何爲釋種	何因有釋種	云何甘滋種	無上尊願說	云何長苦仙	彼云何教授	如來云何於
一切時剎現	種種名色類	最勝子圍遶	云何不食肉	云何制斷肉	食肉諸種類	何因故食肉
云何日月形	須彌及蓮華	師子勝相續	側住覆世界	如因陀羅網	或悉諸珍寶	雲縹細腰鼓
狀種種諸華	或離日月光	如是等無量	云何爲化佛	云何報生佛	云何如如佛	云何智慧佛
云何於欲界	不成等正覺	何故色究竟	離欲得菩提	善逝般涅槃	誰當持正法	天師住久如
正法幾時住	悉檀及與見	各復有幾種	毗尼比丘分	云何何因緣	彼諸最勝子	緣覺及聲聞
何因百變易	云何百無受	云何世俗通	云何出世間	云何爲七地	唯願爲演說	僧伽有幾種

醫元作鑿下

云何為壞僧 云何醫方論 是復何因緣 何故大牟尼 唱說如是言 迦葉拘留孫 拘那含是我
何故說斷常 及與我無我 何不一切時 演說真實義 而復為衆生 分別說心量 何因男女林

闍宋元俱作闍

諸乘阿摩勒 諸佛心第一 此心如樹木堅實 善哉善哉問 大慧善諦聽 我今當次第 如汝所問說

一下明無夾註

大乘諸度門 涅槃空剎那 誣至無自性 佛諸波羅蜜 佛子與聲聞 緣覺諸外道 及與無色行

修元作脩

生及與不生 如是種種事 須彌巨海山 洲渚剎土地 星宿及日月 外道天修羅 解脫自在通

性宋作姓

滅及如意足 覺支及道品 諸禪定無量 諸陰身往來 正受滅盡定 三昧起心說 心意及與識

鬱明作叢

無我法有五 自性想所想 及與現二見 乘及諸種性 金銀摩尼等 一闍提大種 荒亂及一佛

幾宋元俱作微

智爾焰得向 衆生有無有 象馬諸禽獸 云何而捕取 譬因成悉檀 及與作所作 鬱林迷惑通

爲三本俱作幾

心量不現有 諸地不相至 百變百無受 醫方工巧論 伎術諸明處 諸山須彌地 巨海日月量

○那下同無幾

下中上衆生 身各幾微塵 一利幾塵 弓弓數有幾 肘步拘樓舍 半由延由延 兔毫意塵蟻

摩沙陀那名為

羊毛麤麥塵 鉢他幾麤麥 阿羅幾麥幾 獨籠那伏梨 勒叉及舉利 乃至頻婆羅 是各有幾數

陀那羅二句

爲有幾阿菟 名舍梨沙婆 幾舍梨沙婆 名爲一賴提 幾賴提摩沙 爲摩沙陀那 幾波羅彌樓

廣元明俱作魔
○膝三本俱作
藤
爲如如明作如
如佛

句下同無夾註
下同

無同作非

伎元作技下同
○非下明有工
巧伎術四字

實元明俱作實
下同

云何世俗說 唯願廣分別 所問相云何 及所問非我 云何爲胎藏 及種種異身 云何斷常見
云何心得定 言說及諸智 戒種性佛子 云何成及論 云何師弟子 種種諸衆生 斯等復云何
云何爲飲食 聰明廣施設 云何樹高隱 最勝子所問 云何種種刹 仙人長苦行 云何爲族姓
從何師受學 云何爲醮隨 云何人修行 欲界何不覺 何迦膩吒成 云何俗神通 云何爲比丘
云何爲化佛 云何爲報佛 云何爲如如 平等智慧佛 云何爲衆僧 佛子如是問 雲袂腰鼓花
刹土離光明 心地者有七 所問皆如實 此及餘衆多 佛子所應問 一一相相應 遠離諸見過
悉檀離言說 我今當顯示 次第建立句 佛子善諦聽 此上百八句 如諸佛所說

不生句生句 常句無常句 相句無相句 住異句非住異句 刹那句非刹那句 自性句離自性句 空句不空句 斷句不斷
句 邊句非邊句 中句非中句 常句非常句 凡有三常此常梵緣句非緣句 因句非因句 煩惱句非煩惱句 愛句非愛句
方便句非方便句 巧句非巧句 淨句非淨句 成句非成句 譬句非譬句 弟子句非弟子句 師句非師句 種性句非種性
句 三乘句非三乘句 所有句無所有句 願句非願句 三輪句非三輪句 相句非相句 有品句非有品句 俱句非俱句 緣
自聖智現法樂句非現法樂句 刹土句非刹土句 阿菟句非阿菟句 水句非水句 弓句非弓句 實句非實句 數句非數
句 此物之數句非數句 此數霜明句非明句 虛空句非虛空句 雲句非雲句 工巧伎術明處句 非明處句 風句非風句
地句非地句 心句非心句 施設句非施設句 自性句非自性句 陰句非陰句 衆生句非衆生句 慧句非慧句 涅槃句非
涅槃句 禪焰句非禪焰句 外道句非外道句 荒亂句非荒亂句 幻句非幻句 夢句非夢句 焰句非焰句 像句非像句 輪
句 非輪句 提闍婆句非提闍婆句 天句非天句 飲食句非飲食句 婬欲句非婬欲句 見句非見句 波羅蜜句非波羅蜜
句 戒句非戒句 日月星宿句非日月星宿句 諸句非諸句 果句非果句 滅起句非滅起句 治句非治句 相句非相句 支
句 非支句 巧明處句非巧明處句 禪句非禪句 迷句非迷句 現句非現句 護句非護句 族句非族句 仙句非仙句 王句
非王句 攝受句非攝受句 實句非實句 記句非記句 一闍提句非一闍提句 女男不男句非女男不男句 味句非味句
事句非事句 身句非身句 覺句非覺句 動句非動句 根句非根句 有爲句非有爲句 無爲句非無爲句 因果句非因果

鬱樹明作叢
葛三字次同

滅下同有大慧
二字○真元作
生下同
薰元明俱作熏
下同○滅下明
無大慧二字

相下同有識字

心下夾註肝元
作汙次同

燠明作焦○牙
元明俱作芽

句色究竟句非色究竟句節句非節句鬱樹藤句非鬱樹藤句雜句非雜句說句非說句毗尼句非毗尼句比丘句非
比丘句處句非處句字句非字句大慧是百八句先佛所說汝及諸菩薩摩訶薩應當修學爾時大慧菩薩摩訶薩復
白佛言世尊諸識有幾種生住滅佛告大慧諸識有二種生住滅非思量所知諸識有二種生謂流注生及相生有二
種住謂流注住及相住有二種滅謂流注滅及相滅諸識有三種相謂轉相業相真相大慧畧說有三種識廣說有八
相何等爲三謂真識現識及分別事識大慧譬如明鏡持諸色像現識處現亦復如是大慧現識及分別事識此二境
不壞相展轉因大慧不思議薰及不思議變是現識因大慧取種種塵及無始妄想識是分別事識因大慧若覆彼真
識種種不實諸虛妄滅則一切根識滅大慧是名相滅大慧相續滅者相續所因滅則相續滅所從滅及所緣滅則相
續滅大慧所以者何是其所依依者謂無始妄想緣者謂自心見等識境妄想大慧譬如泥團微塵非異非不異
金莊嚴具亦復如是大慧若泥團微塵異者非彼所成而實彼成是故不異若不異者則泥團微塵應無分別如是大
慧轉識藏識真相若異者藏識非因若不異者轉識滅藏識亦應滅而自真相實不滅是故大慧非自真相滅滅但業
相滅若自真相滅者藏識則滅大慧藏識滅者不異外道斷見論議大慧彼諸外道作如是論謂攝受境界滅識流注
亦滅若滅流注滅者無始流注應斷大慧外道說流注生因非眼識色明集會而生更有異因大慧彼因者說言若勝
妙若士夫若自在若時若微塵復次大慧有七種性自性所謂集性自性性自性相性自性大種性自性因性自性緣
性自性成性自性復次大慧有七種第一義所謂心境界慧境界智境界見境界超二見境界超子地境界如來自到
境界大慧此是過去未來現在諸如來應供等正覺性自性第一義心此心梵音肝栗大肝栗大宋言心謂如樹以性
自性第一義心成就如來世間出世間上上法聖慧眼入自共相建立如所建立不與外道論惡見共大慧云
何外道論惡見共所謂自境界妄想見不覺識自心所現分齊不通大慧愚癡凡夫性無性自性第一義作二見論復
次大慧妄想三有苦滅無知愛業緣滅自心所現幻境隨見今當說大慧若有沙門婆羅門欲令無種有種因果現及
事時住緣陰界入生住或言生已滅大慧彼若相續若事若生若有若涅槃若道若業若果若諸破壞斷滅論所以者
何以此現前不可得及見始非分故大慧譬如破瓶不作瓶事亦如燠種不作牙事如是大慧若陰界入性已滅今滅

害宋作瑩元明
俱作噬

彼下明有於字

身元作息

當滅。自心妄想見。無因故。彼無次第生。大慧。若復說無種有種。識三緣合生者。龜應生毛。沙應出油。汝宗則壞。違決定義。有種無種。說有如是過。所作事業。悉空無義。大慧。彼諸外道。說有三緣合生者。所作方便。因果自相。過去未來現在。有種無種相。從本已來。成事相承。覺想地轉。自見過習氣。作如是說。如是大慧。愚癡凡夫。惡見所害。邪曲迷醉。無智妄稱。一切智說。大慧。若復諸餘沙門婆羅門。見離自性。浮雲火輪。毘闍婆城。無生幻。欲水月及夢。內外心現。妄想。無始虛偽。不離自心。妄想。因緣滅盡。離妄想。說所觀所觀。受用建立身之藏識。於識境界。攝受及攝受者。不相應。無所有境界。離生住滅。自心起。隨入分別。大慧。彼菩薩不久當得生死涅槃平等。大悲巧方便。無開發方便。大慧。彼一切衆生。界皆悉如幻。不勤因緣。遠離內外境界。心外無所見。次第隨入無相處。次第隨入從地至地三昧境界。解三界如幻。分別觀察。當得如幻三昧。度自心現無所有。得住般若波羅蜜。捨離彼生所作方便。金剛喻三摩提。隨入如來身。隨入如如化。神通自在。慈悲方便。具足莊嚴等。入一切佛剎。外道入處。離心意意識。是菩薩漸次轉身。得如來身。大慧。是故欲得如來隨入身者。當遠離陰界入心。因緣所作方便。生住滅妄想。虛偽。唯心直進。觀察無始虛偽。過妄想。習氣。因三有思惟。無所有。佛地。無生到自覺聖趣。自心自在。到無開發行。如隨衆色摩尼。隨入衆生微細之心。而以化身。隨心量度。諸地漸次相續建立。是故大慧。自悉檀善應當修學。爾時大慧菩薩。復白佛言。世尊。所說心意意識五法。自性相。一切諸佛菩薩所行。自心見等。所緣境界。不和合。顯示一切說成真實相。一切佛語心。爲楞伽國摩羅耶山海中住處。諸大菩薩。說如來所歎海濱藏識境界法身。爾時世尊。告大慧菩薩言。四因緣故。眼識轉。何等爲四。謂自心現。攝受不覺。無始虛偽。過色習氣。計著識性。自性。欲見種種色相。大慧。是名四種。因緣水流處。藏識轉。識浪生。大慧。如眼識一切諸根微塵毛孔俱生。隨次境界生。亦復如是。譬如明鏡。現衆色像。大慧。猶如猛風吹大海水。外境界風。飄蕩心海。識浪不斷。因所作相。異不異。合業生相。深入計著。不能了知。色等自性。故五識身轉。大慧。即彼五識身俱因。差別分段相知。當知是意識因。彼身轉。彼不作是念。我展轉相因。自心現。妄想計著轉。而彼各各境相俱轉。分別境界分段差別。謂彼轉。如修非者。入禪三昧。微細習氣。轉而不覺。知而作是念。識滅。然後入禪正受。實不識滅。而入正受。以習氣種子。不滅。故不滅。以境界轉。攝受不具。故滅。大慧。如是微細藏識。究竟邊際。除諸如來及住地菩薩。諸聲聞緣覺外道修行。所得三昧智。

以明作已

住元作注

慧之力一切不能測量決了餘地相智慧巧便分別決斷句義最勝無邊善根成熟離自心現妄想虛偽宴坐山林下中上修能見自心妄想流注無量刹土諸佛灌頂得自在力神通三昧諸善知識佛子眷屬彼心意意識自心所現自性境界虛妄之想生死有海業愛無知如是等因悉以超度是故大慧諸修行者應當親近最勝知識爾時世尊欲重宣此義而說偈言

譬如巨海浪

斯由猛風起

洪波鼓冥壑

無有斷絕時

藏識海常住

境界風所動

種種諸識浪

騰躍而轉生

青赤種種色

珂乳及石蜜

淡味衆華果

日月與光明

非異非不異

海水起波浪

七識亦如是

心俱和合生

譬如海水變

種種波浪轉

七識亦如是

心俱和合生

謂彼藏識處

種種諸識轉

謂以彼意識

思惟諸相義

不壞相有八

無相亦無相

譬如海波浪

是則無差別

諸識心如是

異亦不可得

心名採集業

意名廣採集

諸識識所識

現等境說五

爾時大慧菩薩以偈問曰

青赤諸色像

衆生發諸識

如浪種種法

云何唯願說

爾時世尊以偈答曰

青赤諸雜色

波浪悉無有

採集業說心

開悟諸凡夫

彼業悉無有

自心所攝離

所攝無所攝

與彼波浪同

受用建立身

是衆生現識

於彼現諸業

譬如水波浪

爾時大慧菩薩復說偈言

大海波浪性

鼓躍可分別

藏與業如是

何故不覺知

爾時世尊以偈答曰

凡夫無智慧

藏識如巨海

業相猶波浪

依彼譬類通

爾時大慧菩薩復說偈言

日出光等照

下中上衆生

如來照世間

爲愚說真實

已分部諸法

何故不說實

爾時世尊以偈答曰

若說真實者 彼心無真實 譬如海波浪 鏡中像及夢 一切俱時現 心境界亦然 境界不具故

次第業轉生 識者識所識 意者意謂然 五則以顯現 無有定次第 譬如工畫師 及與畫弟子

布彩圖衆形 我說亦如是 彩色本無文 非筆亦非素 爲悅衆生故 綺錯續衆像 言說別施行

真實離名字 分別應初業 修行示真實 真實自悟處 覺想所覺離 此爲佛子說 愚者廣分別

種種皆如幻 雖現無真實 如是種種說 隨事別施設 所說非所應 於彼爲非說 彼彼諸病人

良醫隨處方 如來爲衆生 隨心應量說 妄想非境界 聲聞亦非分 哀愍者所說 自覺之境界

復次大慧若菩薩摩訶薩欲知自心現量攝受及攝受者妄想境界當離群聚習俗睡眠初中後夜常自覺悟修行方

便當離惡見經論言說及諸聲聞緣覺乘相當通達自心現妄想之相復次大慧菩薩摩訶薩建立智慧相住已於上

聖智三相當勤修學何等爲聖智三相當勤修學所謂無所有相一切諸佛自願處相自覺聖智究竟之相修行得此

已能捨跋闍心聖智相得最勝子第八之地則於彼上三相修生大慧無所有相者謂聲聞緣覺及外道相彼修習生

大慧自願處相者謂諸先佛自願處修生大慧自覺聖智究竟相者一切法相無所計著得如幻三昧身諸佛地處進

趣行生大慧是名聖智三相若成就此聖智三相者能到自覺聖智境界是故大慧聖智三相當勤修學爾時大慧菩

薩摩訶薩知大菩薩衆心之所念名聖智事分別自性經承一切佛威神之力而自佛言世尊唯願爲說聖智事分別

自性經百八句分別所依如來應供等正覺依此分別說菩薩摩訶薩入自相共相妄想自性以分別說妄想自性故

則能善知周徧觀察人法無我淨除妄想照明諸地超越一切聲聞緣覺及諸外道諸禪定樂觀察如來不可思議所

行境界畢定捨離五法自性諸佛如來法身智慧善自莊嚴超幻境界昇一切佛剎兜率天宮乃至色究竟天宮逮得

如來常住法身佛告大慧有一種外道作無所有妄想計著覺知因虛見無角想如兔無角一切法亦復如是如大慧復

有餘外道見種求那極微陀羅驪形處橫法各各差別見已計著無兔角橫法作牛有角想大慧彼墮二見不解心量

自心境界妄想增長身受用建立妄想限量大慧一切法性亦復如是離有無不應作想大慧若復離有無而作兔無

盡宋元俱作畫 限明作根

現下宋元俱無量字

慧智明作智慧

境上同有究竟二字

超宋明俱作起

盡宋元俱作畫

限明作根

拈元作所明作
拈次同

角想是名邪想。彼因待觀。故兔無角不應作想。乃至微塵分別事性悉不可得。大慧聖境界離。不應作牛有角想。爾時大慧菩薩摩訶薩白佛言。世尊。得無妄想者。見不生想已。隨比思量觀察。不生妄想言無耶。佛告大慧。非觀察不生妄想言無。所以者何。妄想者。因彼生故。依彼角生妄想。以依角生妄想。是故言依因。故離異不異。故非觀察不生妄想言無角。大慧。若復妄想異角者。則不因角生。若不異者。則因彼故。乃至微塵分拈推求悉不可得。不異角故。彼亦非性。二俱無性者。何法何故而言無耶。大慧。若無故無角。觀有故言兔無角者。不應作想。大慧。不正因故。而說有無二俱不成。大慧。復有餘外道見。計著色空事形處。橫法不能善知。虛空分齊。言色離虛空。起分齊見妄想。大慧。虛空是色。隨入色種。大慧。色是虛空。持所持處所。建立性。色空事分別當知。大慧。四大種生時。自相各別。亦不住虛空。非彼無虛空。如是大慧。觀牛有角故兔無角。大慧。又牛角者。拈為微塵。又分別微塵剎那不住。彼何所觀故而言無耶。若言觀餘物者。彼法亦然。爾時世尊告大慧菩薩摩訶薩言。當離兔角牛角虛空形色異見妄想。汝等諸菩薩摩訶薩。當思惟自心現妄想。隨入為一切剎土最勝子。以自心現方便而教授之。爾時世尊欲重宣此義而說偈言。

色等及心無 色等長養心 身受用安立 識藏現衆生 心意及與識 自性法有五 無我二種淨

廣說者所說 長短有無等 展轉互相生 以無故成有 以有故成無 微塵分別事 不起色妄想

淨下明有除字

心量安立處 惡見所不樂 覺想非境界 聲聞亦復然 救世之所說 自覺之境界

爾時大慧菩薩為淨自心現流故。復請如來白佛言。世尊。云何淨除一切衆生自心現流。為頓為漸耶。佛告大慧。漸淨非頓。如菴羅果漸熟非頓。如來淨除一切衆生自心現流。亦復如是。漸淨非頓。譬如陶家造作諸器。漸成非頓。如來淨除一切衆生自心現流。亦復如是。漸淨非頓。譬如大地漸生萬物。非頓生也。如來淨除一切衆生自心現流。亦復如是。漸淨非頓。譬如人學音樂。書畫種種技術。漸成非頓。如來淨除一切衆生自心現流。亦復如是。漸淨非頓。譬如日月輪頓照顯示一切色像。如來為離自心現習氣。過患衆生。亦復如是。頓為顯示。不思議智最勝境界。譬如藏識。頓分別知自心現及身安立。受用境界。彼諸依佛亦復如是。依者胡本云津賦謂化佛是真佛氣分也頓熟衆生所處境界。以修行者安處於彼色究竟天。譬如法佛

是下夾註胡元
作梵

無明作不○實
下同有如字

想元明俱作相
○想下明無大
慧二字

所三本俱作攀

聖下宋明俱有
究竟二字

慧明作憫

想同作相

常下同無及字

是上元明俱有
如字○得明作
當

所作依佛光明照曜。自覺聖趣亦復如是。彼於法相有性無性惡見妄想。照令除滅。大慧。法依佛說一切法入自相共相。自心現習氣因。相續妄想。自性計著。因種種無實幻種種計著。不可得。復次大慧。計著緣起自性。生妄想。自性相。大慧。如工幻師。依草木瓦石作種種幻。起一切衆生若干形色。起種種妄想。彼諸妄想亦無真實。如是大慧。依緣起自性。起妄想。自性種種妄想。心種種想。行事妄想。相計著。習氣妄想。大慧。是爲妄想。自性相生。大慧。是名依佛說法。大慧。法佛者。離心自性相。自覺聖所緣境界建立。施作。大慧。化佛者。說施戒忍精進禪定及心智慧。離陰界入。解脫識相。分別觀察建立。超外道見無色見。大慧。又法佛者。離攀緣所緣離一切所作。根量相滅。非諸凡夫聲聞緣覺外道計著我相。所著境界。自覺聖究竟差別相建立。是故大慧。自覺聖差別相當勤修學。自心現見。應當除滅。復次大慧。有二種聲聞乘通分別相。謂得自覺聖差別相。及性妄想。自性計著相。云何得自覺聖差別相聲聞。謂無常苦空無我境界。真諦離欲寂滅。息陰界入。自共相。外不壞相。如實知心得寂止。心寂止已。禪定解脫。三昧道果。正受解脫。不離習氣。不思議變易死。得自覺聖樂住聲聞。是名得自覺聖差別相聲聞。大慧。得自覺聖差別樂住菩薩摩訶薩。非滅門樂正受樂。願隱衆生及本願不作證。大慧。是名聲聞得自覺聖差別相樂。菩薩摩訶薩。於彼得自覺聖差別相樂。不應修學。大慧。云何性妄想。自性計著相聲聞。所謂大種青黃赤白堅濕煖動。非作生自相共相。先勝善說。見已於彼起自性妄想。菩薩摩訶薩。於彼應知應捨。隨入法無我想。滅入無我相見。漸次諸地相續建立。是名諸聲聞性妄想。自性計著相。爾時大慧菩薩摩訶薩。白佛言。世尊。世尊所說常及不思議。自覺聖趣境界及第一義境界。世尊。非諸外道所說常。不思議。因緣耶。佛告大慧。非諸外道。因緣得常。不思議。所以者何。諸外道常。不思議。不因自相成。若常。不思議。不因自相成者。何因顯現。常不思議。復次大慧。不思議。若因自相成者。彼則應常。由作者因相。故常。不思議。不成。大慧。我第一義常。不思議。第一義因相成。離性非性。得自覺相。故有相。第一義智因故有因。離性非性。故譬如無作虛空。涅槃滅盡。故常。如是大慧。不同外道常。不思議。論。如是大慧。此常。不思議。諸如來自覺聖智所得。是故常。不思議。自覺聖智所得。應得修學。復次大慧。外道常。不思議。無常性異相。因故。非自作因。相力故。常復次大慧。諸外道常。不思議。於所作性非性。無常見已。思量計著。大慧。我亦以如是因緣。所作者性非性。無常見已。自覺聖境界說。彼常無因。大慧。若復諸外道。因相成。常不

角下明有是字
悌同作希

賢聖同作聖賢

習下同無氣字

相同作性

義下三本俱有
而字

思議因自相性非性同於重角此常不思議但言說妄想諸外道輩有如是過所以者何謂但言說妄想同於重角自因相非分大慧我常不思議因自覺得相故離所作性非性故常非外性非性無常思量計常不思議常而彼不知常不思議自因之相去得自覺聖智境界相遠彼不應說復次大慧諸聲聞畏生死妄想苦而求涅槃不知生死涅槃差別一切性妄想非性未來諸根境界休息作涅槃想非自覺聖智藏識轉是故凡愚說有三乘說心量無所有是故大慧彼不知過去未來現在諸如來自心現境界計著外心現境界生死輪常轉復次大慧一切法不生是過去未來現在諸如來所說所以者何謂自心現性非性離有非有生故大慧一切性不生一切法如兔馬等角愚癡凡夫不實妄想自性妄想故大慧一切法不生自覺聖智趣境界者一切性自性相不生非彼愚夫妄想二境界自性身財建立趣自性相大慧藏識攝所攝相轉愚夫墮生住滅二見悌望一切性生有非有妄想生非賢聖也大慧於彼應當修學復次大慧有五無間種性云何爲五謂聲聞乘無間種性緣覺乘無間種性如來乘無間種性不定種性各別種性云何知聲聞乘無間種性若聞說得陰界入自共相斷知時舉身毛孔熙怡欣悅及樂修相智不修緣起發悟之相是名聲聞乘無間種性聲聞無間見第八地起煩惱斷習氣煩惱不斷不度不思議變易死度分段死正師子吼我生已盡梵行已立不受後有如實知修習人無我乃至得般涅槃覺大慧各別無間者我人衆生壽命長養士夫彼諸衆生作如是覺求般涅槃復有異外道說悉由作者見一切性已言此是般涅槃作如是覺法無我見非分彼無解脫大慧此諸聲聞乘無間外道種性不出出覺爲轉彼惡見故應當修學大慧緣覺乘無間種性者若聞說各別緣無間舉身毛豎悲泣流淚不相近緣所有不著種種自身種種神通若離若合種種變化聞說是時其心隨入若知彼緣覺乘無間種性已隨順爲說緣覺之乘是名緣覺乘無間種性相大慧彼如來乘無間種性有四種謂自性法無間種性離自性法無間種性得自覺聖無間種性外剎殊勝無間種性大慧若聞此四事一說時及說自心現身財建立不思議境界時心不驚怖者是名如來乘無間種性相大慧不定種性者謂說彼三種時隨說而入隨彼而成大慧此是初治地者謂種性建立爲超入無所有地故作是建立彼自覺藏者自煩惱習淨見法無我得三昧樂住聲聞當得如來最勝之身爾時世尊欲重宣此義說偈言

須陀槃那果 往來及不還 逮得阿羅漢 是等心惑亂 三乘與一乘 非乘我所說 愚夫少智慧

諸聖遠離寂 第一義法門 遠離於二教 住於無所有 何建立三乘 諸禪無量等 無色三摩提

受想悉寂滅 亦無有心量

大慧彼一闍提非一闍提世間解脫誰轉大慧一闍提有二種一者捨一切善根及於無始衆生發願云何捨一切善根謂謗菩薩藏及作惡言此非隨順修多羅毗尼解脫之說捨一切善根故不般涅槃二者菩薩本自願方便故非不般涅槃一切衆生而般涅槃大慧彼般涅槃是名不般涅槃法相此亦到一闍提趣大慧白佛言世尊此中云何畢竟不般涅槃佛告大慧菩薩一闍提者知一切法本來般涅槃已畢竟不般涅槃而非捨一切善根一闍提也大慧捨一切善根一闍提者復以如來神力故或時善根生所以者何謂如來不捨一切衆生故以是故菩薩一闍提不般涅槃復次大慧菩薩摩訶薩當善三自性云何三自性謂妄想自性緣起自性成自性大慧妄想自性從相生大慧白佛言世尊云何妄想自性從相生佛告大慧緣起自性事相相行顯現事相相計著有二種妄想自性如來應供等正覺之所建立謂名相計著相及事相計著相名相計著相者謂內外法計著事相計著相者謂即彼如是內外自共相計著是名二種妄想自性相若依若緣生是名緣起云何成自性謂離名相事相妄想聖智所得及自覺聖智趣所行境界是名成自性如來藏心爾時世尊欲重宣此義而說偈言

名相覺想 自性二相 正智如如 是則成相

大慧是名觀察五法自性相經自覺聖智趣所行境界汝等諸菩薩摩訶薩應當修學復次大慧菩薩摩訶薩善觀二種無我相云何二種無我相謂人無我及法無我云何人無我謂離我所陰界入聚無知業愛生眼色等攝受計著生識一切諸根自心現器等藏自妄想相施設顯示如河流如種子如燈如風如雲剎那展轉壞躁動如猿猴樂不淨處如飛蠅無厭足如風火無始虛偽習氣因如汲水輪生死趣有輪種種身色幻術神呪機發像起善彼相知是名人無我智云何法無我智謂覺陰界入妄想相自性如陰界入離我所陰界入積聚因業愛繩縛展轉相緣生無動搖諸法亦爾離自共相不實妄想相妄想力是凡夫生非聖賢也心意識五法自性離故大慧菩薩摩訶薩當善分

身下明無等字
幻上同有如字

得上宋元俱有明字

聖下明有智字

別一切法無我。善法無我。菩薩摩訶薩。不久當得初地。菩薩無所有觀地相。觀察開覺歡喜。次第漸進超九地相。得法雲地。於彼建立無量寶莊嚴大寶蓮華王像大寶宮殿。幻自性境界修習生。於彼而坐同一像類。諸最勝子眷屬圍繞。從一切佛剎來佛手灌頂。如轉輪聖王太子灌頂。超佛子地。到自覺聖法趣。當得如來自法身。見法無我故。是名法無我相。汝等諸菩薩摩訶薩。應當修學。爾時大慧菩薩摩訶薩復白佛言。世尊。建立誹謗相。唯願說之。令我及諸菩薩摩訶薩。離建立誹謗二邊惡見。疾得阿耨多羅三藐三菩提。覺已離常建立斷誹謗見。不謗正法。爾時世尊受大慧菩薩請已。而說偈言。

建立及誹謗 無有彼心量 身受用建立 及心不能知 愚癡無智慧 建立及誹謗

爾時世尊於此偈義。復重顯示告大慧言。有四種非有有建立。云何爲四。謂非有相建立。非有見建立。非有因建立。非有性建立。是名四種建立。又誹謗者。謂於彼所立無所得。觀察非分而起誹謗。是名建立誹謗相。復次大慧。云何非有相建立相。謂陰界入非有自共相而起計著。此如是不異。是名非有相建立相。此非有相建立妄想。無始虛僞過。種種習氣計著生。大慧。非有見建立相者。若彼如是陰界入我人衆生壽命長養士夫見建立。是名非有見建立相。大慧。非有因建立相者。謂初識無因生。後不實如幻本不生。眼色眼界念。前生生已實已還壞。是名非有因建立相。大慧。非有性建立相者。謂虛空滅般涅槃非作。計性建立。此離性非性。一切法如兔馬等角。如垂髮現。離有非有。建立及誹謗。愚夫妄想。不善觀察自心現量。非賢聖也。是名非有性建立相。是故離建立誹謗惡見。應當修學。復次大慧。菩薩摩訶薩善知心意意識五法自性。二無我相。趣究竟爲安衆生故。作種種類像。如妄想自性處依於緣起。譬如衆色如意寶珠。普現一切諸佛剎土。一切如來大衆集會。悉於其中聽受經法。所謂一切法如幻。如夢光影水月。於一切法離生滅斷常。及離聲聞緣覺之法。得百千三昧。乃至百千億那由他三昧。得三昧已。游諸佛剎供養諸佛。生諸天宮宣揚三寶。示現佛身。聲聞菩薩大衆圍繞。以自心現量度脫衆生。分別演說外性無性。悉令遠離有無等見。爾時世尊欲重宣此義而說偈言。

心量世間 佛子觀察 種類之身 離所作行 得力神通 自在成就